



ИСЛОХОТ ОДИМЛАРИ



ОЛТИ МУҲИМ ЛОЙИҲА

ёхуд Ўзбекистоннинг “яшил” энергияга ўтиш ташаббусларининг амалий ифодаси

Куни кеча Ўзбекистонда нафақат энергетика соҳаси, балки иқтисодий тармоқларнинг бугуни ва келажаги учун муҳим воқеа рўй берди: мамлакатимизнинг олти ҳудудда 5 та куёш, 1 та шамол электр станциялари ишга туширилиб, тармоққа уланди.

Шу муносабат билан ташкил этилган тантанали маросимдаги нутқда Президентимиз “...Бугун мамлакатимиз тарихида яна бир ёрқин саҳифа очадиган муҳим ҳодиса — умумий қуввати икки минг тўрт юз мегаватт бўлган олти та куёш ҳамда шамол станциялари тармоққа уланди. Жумладан, Ўзбекистоннинг яқин дўсти ва кенг қамровли ҳамкори бўлган Бирлашган Араб Амирликларининг “Masdar” компанияси томонидан Жиззах, Самарқанд ва Сурхондарё вилоятларида учта куёш электр станциясининг биринчи босқичи барпо этилди.

Бундан ташқари, ушбу нуфузли компания томонидан Томди туманида барпо этилаётган замонавий шамол станциясининг 100 мегаватти ишга туширилмоқда. “Gezhouba” компанияси билан эса Бухоро ва Қашқадарё вилоятларидаги куёш станцияларининг дастлабки 400 мегаваттлик генерацияси бошланади. Энг эътиборли жиҳати — ушбу барча лойиҳалар давлат-хусусий шериклик асосида, тўғридан-тўғри хорижий инвестициялар ҳисобидан амалга оширилди”, дея таъкидлади.

▶ Давоми 3-бетда



ДОЛЗАРБ МАВЗУ



ВАТАНПАРВАРЛИК ҲИССИ

ҲАР БИРИМИЗДАН МЕТИН ИРОДА, МИСЛСИЗ ҚУДРАТ ВА ШИЖОАТ ТАЛАБ ЭТАДИ

Республика Маънавият ва маърифат кенгашининг шу йил 22 декабрь куни ўтказилган кенгайтирилган йиғилишида иштирок этар эканман, ўзини шу юрт фуқаросиман деган ҳар бир шахс бугун ўзгариб бораётган дунё мафкуравий манзарасининг фақатгина томошабин ёки кузатувчиси эмас, аксинча, мана шу белгиланаётган ислохотларнинг иштирокчи кучига айланмоғи лозимлиги, бу замоннинг зарур шартларидан бири эканини англадим.

▶ Давоми 5-бетда



ЭЪТИРОФ

“ТУРКИЙ АДАБИЁТ ДУРДОНАЛАРИ” ТАҚДИМОТИ

Адабиёт — дилларни дилларга, элларни элларга боғлайдиган қудратли риштадир. Мамлакатлар ўртасидаги тинчлик-тотувлик, дўстлик ва ҳамжиҳатлик муҳитини мустаҳкамлашда сўз санъатининг ўрни ва аҳамияти беқиёс.

Президентимиз Шавкат Мирзиёев 2019 йил 15 октябрь куни Боку шаҳрида ўтказилган Туркий давлатлар ҳамкорлик кенгашининг навбатдаги саммитида Ташкилотга аъзо давлатлар адабиётининг энг сара намуналаридан

иборат “Туркий адабиёт дурдоналари” 100 жилдлик китоблар мажмуасини ҳар бир мамлакатнинг она тилида нашр этиш ташаббусини илгари сурган эди.

▶ Давоми 2-бетда

ҚИШЛОҚ ХЎЖАЛИГИ

ЭРКИН БОЗОР ИҚТИСОДИЁТИ САРИ ЯНА БИР ҚАДАМ

Аграр тармоқда манфаатдорлик оширилаётгани янги марраларга замин яратади

“Гап билганга бир танга, иш билганга минг танга”. Йўқ, аксинча, донишманд халқимизнинг бу иборасини гап билганнинг тангаси иш билганикидан минг марта кўп бўлиши керак, деб инкор қилишга шошилманг. Негаки, барча соҳа ва тармоқларга жадал кириб келаётган бозор иқтисодиёти сабаб бу ибора мазмунини тамоман ўзгарди: энди иш билганнинг, ишбилармоннинг, тадбиркорларнинг замони келди. Бунда гапнинг қадри тушиши эмас, ишнинг қиммати минг чандон ортиши ҳисобига мана шундай мазмун шаклланиши эътиборга молик.



Дарҳақиқат, Ўзбекистон узок йиллик аграр тармоққа ихтисослашиш турғунлигидан саноати жадал ривожланаётган давлатлар қаторига ўтди. Юқоридаги ибора таъбири билан айтганда, бугун юртимизда қўшимча қийматга эга маҳсулотлар яратиш борасидаги амалий саъй-ҳаракатлар самарасида аввал ун миллион сўмга сотилган хомашёдан келадиган даромад энди юз миллион сўм бўлди.

▶ Давоми 4-бетда

МУНОСАБАТ

МАЪНАВИЙ ЮКСАЛИШ ЗАРУРАТИ

Давлатимиз раҳбарининг жорий йил 16-17 ноябрь кунлари Сурхондарё вилоятига ташрифи кўплаб соҳаларни янги босқичга кўтаришга хизмат қилмоқда. Айниқса, маънавият секторини ташкил этиш бўйича Сурхондарё тажрибасини яратиш вазифаси берилгани эзгу мақсадларни рўйга чиқариши йўлида муҳим қадам бўлди.

Республика Маънавият ва маърифат кенгашининг яқинда ўтказилган кенгайтирилган йиғилишида маънавият секторини ташкил этиш, унинг мақсад ва вазифалари, долзарблиги кенг муҳокама қилинди. Маънавият, маърифат, маданият, санъат ва ижод соҳаларидаги ислохотлар натижадорлиги ва келгусидаги устувор вазифалар белгиланган йиғилишнинг асосий мазмунини соҳага доир барча муаммолар ечимига қаратилди. Хусусан, мамлакатимиз ўз тараққиётининг янги, юксак босқичга кираётган ҳозирги пайтда бизга жадид бобларимиз каби Фарб илм-фани ютуқлари билан бирга,

миллий қадриятлар руҳида тарбия топган етук кадрлар сув ва ҳаводек зарурлиги таъкидланди. Мамлакатимиз аҳолисининг катта қисми ёшлардан иборат. Уларнинг бугунги маънавий-руҳий тайёргарлиги юртимиз келажагини белгилайди. Шу сабабли тез ўзгараётган замон, таҳликали дунё шароитида ёш авлодни ватанпарварлик руҳида тарбиялаш, уларда эл-юрт тақдирига дахлдорлик туйғусини юксалтириш, медиаопламдаги ахборотларни саралаш қўникмасини шакллантириш қабилар кечиктириб бўлмас вазифалардир.

▶ Давоми 5-бетда



ЎЗБЕКИСТОН ТАШАББУСЛАРИ — АМАЛДА

КОРРУПЦИЯГА ҚАРШИ СТРАТЕГИК МАҚСАДЛАР ЖАМИЯТ РИВОЖИГА ҲОВ БЎЛАЁТГАН ИЛЛАТНИНГ ИЛДИЗИГА БОЛТА УРАДИ

Замонавий дунё технологиялар билан чамбарчас боғлиқ бўлиб қолди. Бу жараён ҳаётимизни енгиллаштириш баробарида инсоний қадриятларни ҳам ўзгартириб юбормоқда. Инсоният мисли кўрилмаган технологик тараққиёт қаршида турибди. Мазкур ўзгаришлар жамият, давлат бошқаруви, сиёсий қарашлар ва дипломатик муносабатларга ҳам ўз таъсирини ўтказмоқда.

Айни пайтда халқаро ҳамжамиятни доим ташвишга солиб келган, тараққиётга раҳна бўлаётган иллатлар ҳамон биз билан яшамокда. Замонавий технологиялар ҳаётимизга кириб келиши ва барча соҳадаги муносабатларда инсон омили камайиши ҳам кишилик жамияти нафси билан боғлиқ муаммо-

лар олдида ожиз қолмоқда. Улардан бири — коррупция. Одам авлодларида онг шаклланиши ва ҳаёт учун кураш зарурати пайдо бўлган даврлардан илдиш ота бошлаган бу иллат кўп ўтмай тараққиётнинг ҳақиқий кушандасига айланди.

▶ Давоми 2-бетда

